





木記序



予少時聞洛陽花卉之盛甲於天下嘗恨皆未能盡
 觀其繁盛妍麗竊有憾焉熙寧中長兄倅絳因自東
 都謁告往省徧觀三月過洛始得遊精藍名圃賞所
 謂牡丹者然後信向之所聞為不虛矣會迫於官期
 不得從容游覽然自之所閱者天下之所未有也元
 豐四年予佐官于洛吏事之暇因得從容游賞居歲
 餘矣甲第名園百未遊其十數竒花異卉十未觀其
 四五於是博求譜錄得唐李衛公平泉花木記范尚
 書歐陽叅政二譜按名尋訪十始見其七八焉然范

公所述者五十二品可改者總三十八歐之所錄者
 二篇而已其叙錢思公雙桂樓下小屏中所錄九十
 餘種但槩言其略耳至於花之名品則莫得而見焉
 因以余耳目之所聞見及近世所出新花叅校三賢
 所錄者凡百餘品其亦殫於此乎然前賢之所記與
 天下之所知者止於牡丹而已至於芍藥天下必以
 維揚為稱首然而知洛之所植其名品不減維揚而
 開頭之大殆不如也又若天下四方所產珍襲佳卉
 得一於園館足以為美景異致者洛中靡不兼有之
 然天下之人徒知洛土之宜花而未知洛陽衣冠之

洛陽花木記



鄞江周師厚

牡丹

千葉黃花其別有十

- 姚黃
- 勝姚黃
- 牛家黃
- 千心黃
- 甘草黃
- 丹州黃
- 閔黃
- 女真黃
- 絲頭黃
- 御袍黃

千葉紅花其別三十有四

- 狀元紅
- 魏花
- 勝魏
- 都勝
- 紅都勝
- 紫都勝
- 瑞雲紅
- 岳山紅
- 間金紅
- 金繫腰
- 一捻紅
- 九萼紅
- 劉師閣
- 大葉壽安

細葉壽安

洗妝紅

戲金毬

探金毬

二色紅 戲金樓子

碎金紅

彤雲紅

越山紅樓子

轉枝紅

富貴紅

紫絲旋心

不暈紅

壽妝紅

玉盤妝

雙頭紅

亦開多葉

遇仙紅

藍園紅

簇四

簇五

千葉紫花其別有十

雙頭紫

左紫

紫綉毬

安勝紫

大宋紫

順聖紫

陳州紫

袁家紫

婆臺紫

平頭紫

千葉緋花一

潛溪緋

千葉白花其別有四

玉千葉

玉樓春

玉蒸餅

一百五

多葉紅花其別有三十三

鞞紅

大紅

深粉紅

濕紅

朱砂紅

承露紅

有十二箇子

添色紅

深似鶴翎

鶴翎紅

揉紅

臙脂紅

獻采紅

賀紅

大暈紅

林家紅

紅色深

兩京強

觀音紅

青州紅

玉樓紅

雙頭紅

汝州紅

獨看紅

鹿胎紅

綴州紅

試妝紅

玲瓏紅

青線絞

延州紅

蘇家紅

白馬草

夾黃蕊

丹州紅

柿紅

唐家紅

多葉紫花其別十有四

潑墨紫 冠子紫 葉底紫 光紫 段家紫

銀含稜 左紫 單葉 經歲紫 蓮華萼 索家紫

大紫 亦有名 壽紫 陳州紫 雙頭紫 承露紫

唐家紫

多葉黃花其別有三

絲頭黃 呂黃 古姚黃

多葉白花一

玉醜白

芍藥

千葉黃花其別十有六

御衣黃 凌雲黃 南黃樓子 銀褐樓子

尹家黃樓子 表黃 延壽黃 硤石黃

新安黃 壽安黃 溫家黃 郭家黃 青心鮑黃

絲頭黃 黃纈子 紅心鮑黃

千葉紅花其別十有六

紅樓子 紅冠子 朱砂旋心 硬條旋心

班幹旋心 深花小魏花 紅纈子

淡紅小魏花 靈山纈子 馬家紅

楚州冠子

四峰兒

醉西施

剪平紅

茆山冠子

柳圃新接

紅絲頭

千葉紫花其別有六

紫樓子

龍間紫

紫鞍子

粉面紫

紫絲頭

紫繡子

千葉白花二

玉樓子 白繡子

千葉緋花一

緋樓子

雜花 二百十品

瑞香

紫色出本廬山宜陰翳處

黃瑞香

川海棠

杜海棠

淡者

垂絲海棠

名軟條

黃海棠

嬌海棠

一名綉線海棠

南海棠

黃香梅

紅香梅

千葉

紫梅

同上

鵝梅

黃千葉

雪香

千葉

海石榴

散水

單葉

千葉散水

垂絲散水

玉瓏璵

真珠花

玉屑花

錦帶花

大錦帶

細葉錦帶

女冠花

紅龍栢

白龍栢

紫龍栢

山茶

晚山茶

洋山茶

紅粉山茶

寶珠

白山茶

棣棠

千葉棣棠

白郁李

二色郁李

單葉郁李

千葉櫻桃

垂絲櫻桃

山桃

山木瓜

軟條木瓜

紅薇

緋薇

紫薇

石藍

千葉紅梨

玉拂子

木犀

辛夷

木蘭

似木筆但木高丈餘即開花與牡丹同時發

木筆

似木蘭但木極大乃有花正月初發

紫荊

瓊花

類八仙而香

玉蝴蝶

八仙花

丁香花

百結花

迎春花

金纏枝

黃雀花

映山紅

即紅躑躅

粉紅躑躅

顏桐

一名百日花

紅木梨

千葉木梨

芙蓉

亦名拒霜

千葉芙蓉

黃芙蓉

千葉

莎蘿花

千葉木槿

三春花

一名長命

茉莉花

素馨花

佛桑花

夜合花

黃夜花

檉柳

倒仙花

紅蕉

仙人耳墜

一名滿堂花

連翹花

鷺絲花兒

甘蕉

千葉秋花

水蕉

菓子花

桃之別有

小桃

十月桃

出西太宮絳桃

冬桃

至冬方熟

水蜜桃

蟠桃

一名餅子桃千葉

千葉纏桃

扁桃

千葉緋桃

二色桃

一技上二色

合歡二色桃

朵上二色

千葉碧桃

大御桃

金桃

銀桃

白桃

崑崙桃

胭脂桃

白玉桃

早桃

油桃

人桃

蜜桃

平頂桃

胖桃

社桃

憨利核桃

方桃 邠州桃 圃田桃 光桃無毛 紫葉大桃
紅穰利核桃 雷震紅 美人桃 鴛鴦桃 瑞仙桃
梅之別有十一

紅梅有壹梅不香 臈梅 消梅 蘇梅 水梅
黃香梅 綠萼梅 鶴頂梅 早梅 冬梅 玉璫梅
杏之別十有六

金杏 銀杏 水杏 香白杏 纏金杏
赤腋杏 真大杏 詐赤杏 大緋杏 撮帶金杏
晚紅杏 黃杏 千葉杏 黑葉杏 方頭金杏

梅杏

梨之別二十有七

水梨 紅梨 西梨 濁梨 鵝梨

穰梨 消梨 乳梨 袁家梨 車寶梨

紅鵝梨 敷鵝梨 大谷梨 甘棠梨 紅酒梨

早接梨 鳳栖梨 密脂梨 菴羅梨 細帶菴羅

棒槌梨 清沙爛 棠梨 壓沙梨 梅梨

秦玉榴消梨 搵棹梨上烏骨反音字

李之別二十有七

御李 操李 麝香李 珍珠李 粉紅李花紅

真桃李 粉香李 小桃李 偏縫李 北京水李

蜜綠李 胡天李 黃甘李 麥熟李 棟枝李

牛心李 紫灰李 冬李 晚李 焦紅李

金條李 橫枝李 涪帶李涪音泣 纏枝李

漿水李 憲臺李 嘉慶李

櫻桃之別十有一

紫櫻桃 鵬櫻桃 滑臺櫻桃 朱皮櫻桃

鵬嘴櫻桃 早櫻桃一名熟子 吳櫻桃

甜菓子 急溜子 水滔兒櫻桃 千葉櫻桃

石榴之別有九

黃石榴 千葉石榴 重臺石榴東京奉慈觀出

粉紅石榴 青皮石榴 水晶漿榴

朱皮石榴 水晶甜榴 錕含稜石

榴偃師果出錕音昆赤色

林檎之別有六

蜜林檎 金林檎 水林檎 操林檎 花紅林檎

轉身林檎

木瓜之別有五

山木瓜 香木瓜 軟條木瓜 宣州木瓜

榘楂上音宜

柰之別有十

蜜柰 大柰 紅柰 兔須柰 寒毬
黃寒毬 頻婆 海紅 大楸子 小楸子

刺花

倒提黃薔薇 千葉白薔薇 蜜枝月季

邨紅 黃月桂 四川桂 長春花 深紅月季

千葉月季 日月花 川金沙 四季長春

黃金沙 寶相千葉 廬州寶相 黃寶相

水林檎單葉金 荼蘼 金荼蘼 千葉荼蘼

薔薇單葉 錦被堆 黃薔薇 馬蹄花 二色薔薇

千葉薔薇 粉圃兒 玫瑰 冬瑰單葉

穿心玫瑰 黃玫瑰 玉香梅 千葉茶梅

茶梅 千葉紅香梅 滅伏 木香花

草花

蘭出澧州者佳 秋蘭 黃蘭出嵩山 萱草

水仙花一名金盞銀臺 單葉菊 金鈴菊 紫幹子

黃鈴菊 毬子菊 鷄冠菊 棣棠菊 黃簇菊

柿紅菊 青心菊 葉紅菊 探白子 黃寫廷子

千葉大黃菊 五色菊 粉紅菊 碧菊

白菊 釵頭菊 千葉晚菊 六月紫菊

金錢菊一名夏菊 紫菊亦謂之早蓮 川剪金

川金錢 鵝黃萱州 太山萱州

千葉萱州 四季萱州 北極萱州

糙萱州 紅金燈 黃金燈 碧金燈 粉紅金燈

紫金燈 紅絲菊 麗春一名望仙 石竹花

御米花 鵝毛石竹一名綉竹 黃麗春 金鳳花

麗秋巷 玉簪花 紅蓂花 水仙花 蔓陀羅花

千葉蔓陀羅花 層臺蔓陀羅花 鷄冠花

矮鷄冠 黃鷄冠 粉紅鷄冠 芫花

胡蜀葵 千葉紅葵 剪金 剪稜蜀葵

千葉紫葵 鵝黃蜀葵 千葉緋葵

九心蜀葵 秋葵 千葉鼓子 鳧葵 水紅

鬢邊嬌 家小紅開日餘 白山丹 水丹花

金蓮花出嵩山頂 天葵 雲夢花 地錦花 照天紅出岷州

水牡丹紅深 菟葵 杜叅花出憲州 蒲葵 紫錦帶

紅百合 紅山薑 碧山薑 碧鳳竹一名鴨脚 沃丹

碧玉盞一名薺范 碧丹 漢百合 白金燈 白鷄冠

水花

單葉蓮 千葉紅蓮 金蓮又灑金也 玉骨槩白蓮也 黃蓮

白樓子 紅樓子 睡蓮 一品蓮 金邊蓮

碧蓮子出起寺 四面蓮 衣蓮 穿心蓮 瑞蓮一名砂殼

珠子蓮 分香蓮

佛頭蓮 色碧 夜舒蓮

雙頭瑞蓮

朝日蓮 李園分枝蓮

叙頭蓮 甘草黃

四季蓮 臘月尤盛

蔓花

凌霄

驕藤

雪茸花

荷葉藤

千葉鼓子

牽牛花

掛金鐘

紫藤

鐵線蓮

雪理黃

又有紅者種之盛好

叙牡丹

姚黃千葉黃花也色極鮮潔精采射人有深紫檀心近瓶青旋心一匝與瓶同色開頭可八九寸許其花本出北邙山下白司馬坡姚氏家今洛中名園中傳接雖多惟水北間歲有開者乃成千葉餘年皆單葉

或多葉耳水南率數歲一開千葉然不及水北之盛也蓋本出山中宜高近市多糞壤非其性也其開最晚在衆花彫零之後芍藥未開之前其色香與高潔之性敷榮之時特異於衆花故洛人賞之號為花王城中每歲不過開三數朵都人士女必傾城往觀鄉人扶老携幼不遠千里其為時所貴重如此勝姚黃乃靳黃千葉黃花也有深紫檀心開頭可八九寸許色雖深於姚然情彩未易勝也但頻年有花洛人所以貴之出靳氏之圃因姓得之皆在姚黃之前洛人貴之皆不減姚黃但鮮潔不及姚而無青心

之異焉可以亞姚而居丹州黃之上矣

牛家黃亦千葉黃花也其先出於姚黃蓋花之祖也
色有紅黃相間類一捻紅之初開時也真宗祀汾陰
還駐蹕淑景亭賞花宴從臣洛民牛氏獻北花故後
人謂之牛花然色淺於姚黃而帶微紅色其品目當
在姚靳之下矣

千心黃千葉黃花也大率類丹州黃而近瓶碎蕊時
盛異於衆花故謂之千花黃

甘草黃千葉黃花也有紅檀心色微淺於姚黃蓋牛
丹之北焉其花初出時多單葉今名園培壅之盛變

為千葉

丹州黃千葉黃花也色淺於靳而深於甘草黃有檀
深紅心大可半葉其花初出時本多葉今名園栽接
得地間或成千葉然不能歲就也

閔黃千葉黃花也色類甘草黃而無檀心出於閔氏
之圃因此得名其品第蓋甘草黃之比歟

女真黃千葉淺黃色花也元豐中出於洛氏銀李園
中李以為異獻於大尹潞公公見心愛之命曰女真
黃其開頭可八九寸許色類丹州黃而微帶紅色溫
潤勻瑩其狀端整類劉師閣而諸名圃皆未有其亦

甘草黃之比歟

絲頭黃千葉黃花也色類丹州黃外有大葉如盤中
有碎葉一簇可百餘片碎葉之心有黃絲數十莖聳
起而時高立出於花葉之上故目之為絲頭黃唯天
王寺僧房中一本時佳圃未之有也

御袍黃千葉黃花也色與開頭大率類女真黃元豐

初應天院神御花園中植山岬音皮山足數百忽於其中

變此一種因目之為御袍黃

狀元紅千葉深紅花也色類丹砂而淺葉抄微淡近
萼漸深有紫檀心開頭可七八寸其色最美迥出衆

花之上故洛人以狀元呼之惜乎開頭差小於魏花
而色深過之遠甚其花出安國寺張氏家熙寧初方
有之俗謂之張八花今流轉諸圃甚盛然歲有此花
又特可貴也

魏花千葉肉紅花也本出晉相魏仁溥園中今流傳
特盛然葉最繁密人有數之者至七百餘葉而如大
盤中堆積碎葉突起圓整如覆鍾狀開頭可八九寸
許其花端麗精彩瑩潔異於衆花洛人謂姚黃為王
魏花為后誠善評也近年有勝魏都勝二品出焉勝
魏似魏花而微深都勝似魏花而差大葉微帶紫紅

色意其種皆魏花之所變歟豈寓於紅花本者其子
變而為勝魏寓於紫花本者其子變而為都勝邪
瑞雲紅千葉肉紅花也開頭大尺餘色類魏花微深
然碎葉差大不若魏之繁密也葉杪微卷如雲氣狀
故以瑞雲目之然與魏花迭為盛衰魏花多則瑞雲
少瑞雲多則魏花少意者草木之妖亦相忌嫉而勢
不並立歟

岳山紅千葉肉紅花也本出於高岳因此得名色深
於瑞雲淺於狀元紅有紫檀心鮮潔可愛花唇微淡
近萼漸深開頭可八九寸許

間金紅千葉紅花也微帶紫而類金繫腰開頭可八
九寸許葉間有黃蓋故以間金目之其花蓋夾黃蓋
之所變也

金繫腰千葉黃花也類間金而無蓋每葉上有金線
一道橫於半葉上故目之為金繫腰其花本出於緱
氏山中

一捻紅千葉粉紅花也有檀心花葉之杪各有深
紅一點如美人以胭脂手捻之故謂之一捻紅然開
頭差小可七八寸許初時開多青色拆開時乃變紅
耳

九萼紅千葉粉紅花莖葉極高大其苞有青趺九重苞未拆時特異於衆花，開必青先拆數日然後色變紅花葉多皺感有類捺草然多不成就偶有成者開頭盈尺

劉師閣千葉淺紅花也開頭可八九寸許無檀心本出長安劉氏尼之閣下因此得名微帶紅黃色如美人肌肉然瑩白溫潤花亦端整然不常開率數年乃見一花耳

壽安有二種皆千葉肉紅色花也壽安縣錦屏山中其色似魏花而淺淡一種葉差大開頭亦大因謂之

大葉壽安一種葉細故謂之細葉壽安云

洗妝紅千葉肉紅花也元豐中忽生於銀李園山碑中大率似壽安而小異劉公伯壽見而愛之謂如美婦人洗去朱粉而見其天真之肌瑩徹溫潤因命今名其品第蓋壽安劉師閣之比歟

感金毬千葉淺紅花也色類間金而葉杪皺感間有黃稜斷續於其間因此得名然不知所出之因今安勝寺及諸園皆有之

探春毬千葉肉紅花也開時在穀雨前與一百五相次開故曰探春毬其花大率類壽安紅以其開早故

得今名

二色紅千葉紅花也元豐中出於銀李園中於接頭一本上歧而為二色一淺一深深者類間金淺者類瑞雲始以為有兩接頭細詳視之實一本也豈一氣之所鍾而有淺深厚薄之不齊歟大尹潞公見而賞異之因命名

感金樓子千葉紅花也類金繫腰下有千葉如盤之中碎葉繁密聳起而圓整特高於衆花碎葉皺感互相粘綴中有黃蓋間雜於其間然葉之多雖魏花不及也元豐中生於袁氏之圃

碎金紅千葉粉紅花也色類間金每葉上有黃點數枚如黍粟大故謂之碎金紅

越山紅樓子千葉粉紅花也本出於會稽不知到洛之因也近心有長葉數十片聳起而特立狀類重臺蓮故有樓子之名

彤雲紅千葉紅花也類狀元紅微帶緋色開頭夫者幾盈尺花唇微白近萼漸深檀心之中皆瑩白類御米花本出於月波堤之福嚴寺司馬公見而愛之目之為彤雲紅也

轉枝紅千葉紅花也蓋間歲乃成千葉假如今年南

枝千葉北枝多葉明年北枝千葉南枝多葉每歲換
易故謂之轉枝紅其花大率類壽安云

紫絲旋心千葉粉紅花也外有大葉十數重如盤
中有碎葉百許簇於瓶心之外如旋心為藥然上有
紫絲數十莖高出於碎葉之表故謂之曰紫絲旋心
元豐中生於銀李園中

富貴紅不暈紅壽妝紅玉盤汝皆千葉粉紅花也大
率類壽安而有小異富貴紅色差深而帶緋紫色不
暈紅次之壽妝紅又次之玉盤汝最淺淡者也大葉
微白碎葉粉紅故得玉盤汝之號

雙頭紅雙頭紫皆千葉花也二花皆並蒂而生如鞞
子而不相連屬者也唯應天院神御花園中有之亦
有多葉者蓋地勢有肥瘠故有多葉之變耳培壅得
地之有簇五者然開頭愈多則花愈小矣

左紫千葉紫花也色深於安聖然葉杪微白近萼漸
深突起圓整有類魏花開頭可八九寸大者盈尺此
花最先出國初時生於豪民左氏家今洛中傳接者
雖多然難得真者大抵多轉枝不成千葉唯長壽寺
彌陀院一本特佳歲歲成就舊譜以謂左紫即齊頭
紫如碗而平不若左紫之繁密圓整而有無含稜之

異云

紫繡毬千葉紫花也色深而瑩澤葉密而圓整因得繡毬之名然難得見花大率類左紫云但葉杪色勻不如左紫之唇白也比之陳州紫袁家紫皆大同而小異耳

安勝紫千葉紫花也開頭徑尺餘出於城中安勝院因此得名近歲左紫與繡毬皆難得花唯安勝紫與大宋紫特盛歲有花故名圃中傳接甚多

大宋紫千葉紫花也本出於永寧縣大宋川豪民李氏之圃因謂大宋紫開頭極盛徑尺餘衆花無比其

大者其色大率類安勝紫云

順聖紫千葉花也色深類陳州紫每葉上有白縷數道自唇至萼紫白相間淺深不同開頭可八九寸許熙寧中方有陳州紫袁家紫一色花皆千葉大率類紫繡毬而圓整不及也

潛溪緋本千葉緋花也有皂檀心色之殷美衆花少與此者出龍門山潛溪寺本後唐相李藩別墅今寺僧無好事者花亦不成千葉民間傳接者雖多大率皆多葉耳惜哉

玉千葉白花無檀心瑩潔如玉溫潤可愛景祐中開

於范尚書宅山岬中細葉繁密類魏花而白今傳接於洛中雖多然難得花歲不成千葉也

玉樓春千葉白花也類玉蒸餅而高有樓子之狀元豐中生於河清縣左氏家左獻於路公因命之曰玉樓春

玉蒸餅千葉白花也本出延州及流傳到洛而繁盛過於延州時花頭大於玉千葉葉抄瑩白近萼微紅開頭可盈尺每至盛開多低之亦謂之軟條花云承露紅多葉紅花也每朵各有二葉每葉之近萼處各成一箇鼓子花樣凡有十二箇唯葉抄舒展與衆

花不異其下玲瓏不相倚着望之如雕鏤可愛凌晨如有甘露盈箇其香益更綺旋又承露紫大率相類惟香色異耳

玉鏤紅多葉紅花也色類彤雲紅而每葉上有白鏤數道若雕鏤然故以玉鏤目之

一百五者千葉白花也洛中寒食衆花未開獨此花最先故此貴之

四時變接法

此唯洛中氣候可依此變接他處須各隨地氣早晚接之

立春前後接諸般針刺花自有刺花門

雨水後接木瓜上接石楠軟條木瓜山木瓜大木瓜

宣州木瓜櫻桃上接諸般桃半枚紅木筆上接木蘭
辛夷玉拂子上接玉蝴蝶瓊花八仙花野薔薇上接
千葉黃薔薇并諸般刺花榲桲上接榎音楂音楂子上
接榲桲

二月節奈枰上接林擒海棠桃枰上接諸般桃諸般
梅杏枰上接諸般杏李棠梨上接諸般梨海棠

春分節壓檜柏胡百合接玫瑰分玉簪栽芙蓉分碧
蘆分色蕉種百合剪金石竹金錢子山丹分旱蓮石
榴上接諸般石榴軟枣上接諸般柿著蓋柿照面柿
入海柿扶溝柿杵頭柿旋蒂柿朱柿枰柿枣枰上接

諸般棗栽紫條玫瑰分玉簪

三月上旬 種諸般花子 栽百般花

三月穀雨節 分諸般菊 種諸般鷄冠 栽五色

莧玉筋子望仙子

五月節 種諸般竹 十三日竹迷

六月節 種六月以前皆可種須澆灌乃活

七月節 種木瓜 壓軟條檜

處暑 種諸般芍藥 種牡丹子

八月節 分牡丹接牡丹篋子分芍藥栽諸般針刺
花種麗春望仙撒石竹并剪金錢等花子或分栽

九月節 種桃核麗春子望仙子紫條玫瑰石竹

霜降 種諸般菓子樹

十月節 種小桃諸般雜林木

十二月節 獨凍榆木 分劈錦被堆 減枝粉團

子

接花法

接花必於秋社後九月前餘皆非其時也接花預於二三年前種下祖子唯根盛者為佳蓋家祖子根肥而嫩嫩則津脉盛而木實接之多活山祖子瘦而老老則津脉衰而木虛接之多夭削接頭欲平而濶常

令根皮包含接頭勿令作陡刃刃陡則帶皮處厚而根狹刃陡則接頭多退出而皮不相對津脉不通遂致枯死矣接頭繫縛款密勿令透風不可令雨濕瘡口接頭必以細土覆之不可令人觸動接後月餘湏時、看覷根下勿令生妬芽芽生即分減却津脉而接頭枯矣凡選接頭湏取木枝肥嫩花芽盛太平而圓實者為佳虛尖者無花矣

栽花法

凡欲栽花須於四五月間先治地如地稍肥美即翻起深二尺以來去瓦礫石皮頻鋤削勿令生草至秋

社後九月以前栽之若地多瓦礫或帶鹹鹵則鋤深
三尺以上去盡舊土別取新好黃土換填切不可用
糞用糞即生蟻糟而蠹花根矣根蠹則花頭不大而
不成千葉也凡栽花不欲深深則根不行而花不發
旺也但以瘡口齊土面為佳此深淺之度也掘土坑
須量花根長短為淺深之準坑欲闊平而土欲肥細
然于土坑中心拍成小土墩子其墩子欲上銳而下
闊將花於土墩上坐定然後整理花根令四向橫垂
勿令屈摺為妙然後用一生黃土覆之以瘡口齊土
面為準

種祖子法

凡欲種花子先于五六間擇陰處肥美地治作畦鉏
欲深而頻地如不佳翻換如栽花法每歲七月以後
取千葉牡丹花子候花瓶欲拆其子微變黃時採之
破其瓶子取子於已治畦地內一如種菜法種之不
得隔日多日多即花瓶乾而子黑黑則種之萬無一
生矣撒子欲密不欲疎疎則不生不厭大密地稍乾
則先以水灌之候水脉勻潤然後撒子訖把撒一如
種菜法每十日一澆有雨即止冬月須用木葉蓋覆
有雪即以雪覆木葉上候月間即生芽葉矣生時頻

去草久無雨即十日一澆灌切不得用糞候至八月社後別治畦分開種之如栽菜法如花子已熟未曾治地即先取花瓶連子掘地坑窖之一而速治地候熟可種即取窖中子依前法撒之其中間或有却成芽葉者

打剥花法

凡千葉牡丹須於八月社前打剥一番每枝上只留花頭四枝餘者皆可截去接頭於祖上接之候至來年二月間所留花芽間小葉見其中花蓋切須仔細辨認若花芽頭平而圓實即留之此千葉花也若花蓋虛即不成千葉當須去之每枝只留三兩蓋花頭多即不成千葉而開頭小矣

分芍藥法

分芍藥處暑為上時八月為中時九月為下時取芍藥須闊鉏勿令損根取出淨洗土看窠株大小花芽多寡隨時分之每窠須留四芽以上一用好細黃土和泥漿蘸花根坐於坑中土墩上整理根令四向橫垂然後以細黃土培之根不欲深深則花不發旺令花根低如土面一指以下為佳耳不得用糞候春間花芽發根更看骨堆子如頭圓平而

實即留之虛大者無花矣新栽時每窠可只留花頭
一兩朵候一二年得地力可留四五朵花頭多即不
成千葉矣慎之慎之栽芍藥於陰處晾根令微乾然
後種則花速發掘取後可留月餘不妨其遠尤宜

洛陽花木記

金章蘭譜叙

予大父朝議郎自南康解印還里卜居築茅引泉植
竹因以為亭會宴於其間得郡侯傅公伯成名其亭
曰篔簹世界又以其東架數椽自號趙翁書院回峯
轉向依山疊石盡植花木藂雜其間繁陰之地環列
蘭花掩映左右以為遊憇養疴之地予時常在其中
每有好花之發艷竒清香夏目不能捨手不能釋即
詢其名默而識之是以酷愛之心殆幾成癖粵自嘉
定改元以後五采數品又高出於向時所植者予嘉
而求之故盡得其花之容質無失封培愛養之法而

